

ԲԱՆԱՍԱՑՆԵՐԻ ԿԵՆՍԱԳՐՈՒԹՅՈՒՆՆԵՐ

ԱՆԱԿԵՐԴՅԱՆ ՍԱՐԻԲԵԿ ՅՈԼՉԻԻ

Ծնվել է 1912 թվականին Նոյեմբերյանի շրջանի Ոսկեպար գյուղում, ապրում է Իջևանի շրջանի Աճարկուտ գյուղում: Ունի տարրական կրթություն: 1937 թվականից աշխատում է անտառտնտեսությունում՝ որպես անտառապահ: 1972 թվականին, ծայնագրությունը կատարելու ժամանակ, նա աշխատում էր որպես Աճարկուտի հնագիտական հուշարձանների պահակ: Գիտեր բազմաթիվ գրույցներ, հեքիաթներ, զվարճախոսություններ, ավանդություններ և հուշապատումներ: Բանասաց Սարիբեկ Ավակերդյանից նյութեր ծայնագրվել են 1972 և 1975 թվականներին:

ԱՅՎԱԶՅԱՆ ԲԵՂԱՐ ՍԱՐԳՍԻ

Ծնվել է 1892 թվականին Դազախի գավառի Դարանլուխդարա (այժմ Լուսամոր) գյուղում: Կիսագրագետ է, զբաղվել է հողագործությամբ, աշխատել է կոլտնտեսությունում: Բանասացը գիտեր բազմաթիվ հեքիաթներ, սակայն հիվանդության պատճառով պատմեց միայն մի քանիսը, որոնց մի մասն ընդգրկված է ժողովածուում:

ԱՌՈՒՍԱՍՅԱՆ ԱԼԲԵԿ ԽԱՉԱՏՈՒՐԻ

Ծնվել է 1893 թվականին Դազախի գավառի Ուզունբալա գյուղում (այժմ՝ Տավուշի մարզի Այգեհովիտ գյուղ): Կիսագրագետ է: Բանասացը ողջ կյանքն անց է կացրել իր ծննդավայրում, զբաղվել է հողագործությամբ, այգեգործությամբ և զինենգործությամբ: Ալբեկ քեռին գյուղական կենցաղի ու ժողովրդական բառ ու բանի լավագույն գիտակ էր, գիտեր բազմաթիվ հեքիաթներ, գրույցներ, զվարճապատումներ: Ալբեկ Առուստամյանը նաև ստեղծագործելու շնորհը ուներ և տարբեր ա-

ռիթմերով ստեղծել է գյուղի կյանքն ու այգեգործի հոգսերն արտացոլող չափածո ստեղծագործություններ, երգեր, որոնք գյուղացիները գյուղամիջում և տարբեր հավաքների ժամանակ լսում են մեծ բավականությամբ: Մեր գրառումների ժամանակ բանասացը «Ատվետի այգու» պահակն էր և ստեղծել էր երգերի մի շարք, որի մասին ասաց. «Բաղը քցել են, մի հեկտար բաղ ա ըտեղ, յքս էլ պահակ են, վերջը ըտեղ խաղողը տանք են էլի: Տրա վրա մի երբ են ասել»: Նրա՝ հանպատրաստից ստեղծագործելու ունակությունը շատ էր դուր գալիս գյուղի երիտասարդներին և յուրաքանչյուր պատեհ առիթ նրանք օգտագործում էին ու հաճոգում Ալբեկ քեռուն որևէ բան ասել: 30-ական թվականներին, գյուղամիջում հավաքված մի խումբ երիտասարդներ Ալբեկ քեռուն ցույց են տալիս «Закфедерация» ծխախոտի տուփը, որի վրա պատկերված էր երեք գյուղացի, ու խնդրում են այդ տուփին մասին համապատասխան որևէ բան ասել, և բանասացն ասում է իր նշանավոր «Ջակավկազկի ֆեդերացի» սրամիտ չափածոն:

Ալբեկ Առուստամյանից բանահյուսական նյութերը գրառվել են 1970-72 թթ. մախ՝ ձեռքով, ապա՝ ծայնագրիչով:

ԳՐԻԳՈՐՅԱՆ ԳՈՒՐԳԵՆ ՍԵՐԳՈՅԻ

Ծնվել է 1909 թվականին Իջևանի շրջանի Ունազլու (այժմ՝ Դիտավան) գյուղում: Գյուղի դպրոցում սովորել է մինչև 4-րդ դասարանը, աշակերտել է ուսուցիչ Գուրգեն Խեմչյանին, որի մասին ասաց, որ նա ներկա ուսուցիչների մեծն չի եղել և ամեն ինչ սովորեցրել է: Աշխատել է կոլտնտեսությունում, եղել է ֆերմայի վարիչ, գյուղխորհրդի նախագահ, մեղվաբույծ, այգեգործ: Զրուցասեր մարդ է, գիտի բազմաթիվ պատմություններ: Թողան այն

հարցին, թե. «Պապի, որտեղի՞ց գիտես այդքան բան», նա ասաց. «Մի մարդ, որ բանտում նստած լինի, նրան էլ կասեն՝ որտեղի՞ց»: Նյութերը գրանցել են աստիճանաբար՝ 10 օրվա ընթացքում: Երբ նա որևէ բան էր հիշում, ինձ կանչում էր, որ գնամ գրի առնեմ:

ԶԻԼԱՐՅԱՆ ԱԿԵՏԻՔ ՄԿՐՏԻ

Ծնվել է 1912 թվականին Իջևանի շրջանի Թալա (այժմ՝ Գետահովիտ) գյուղում: Կիսագրագետ է, աշխատում էր կոլտնտեսությունում (զբաղվում է հողագործությամբ): 1932-35 թթ. աշխատել է որպես նախարապան: 1941-45 թթ. մասնակցել է Զայրեմսկյան պատերազմին, վերադարձից հետո մինչև 1967 թվականը աշխատել է որպես հովիվ: Նա գիտի բազմաթիվ հեքիաթներ ու գրույցներ, իր ասելով՝ գիտի մոտ 60 հեքիաթ: Հեքիաթների մի զգալի մասը նա սովորել է 1915 թ. Վանից գաղթած խաչո բիծայից: Նրանից ձայնագրվել է մի սիրավեպ («Շահ Իսմայիլ») և հինգ հեքիաթ, որոնցից «Ջոմշուդն ու Մոմշուդը» հեքիաթը սովորել է իր եղբոր աներոջից՝ վանեցի խաչո բիծայից: Բոլոր հեքիաթներն ընդգրկված են ժողովածուում:

ԹՈՒԽԱՐՅԱՆ ՎԱՐԴԵՎԱՆ ՎԱՐՄԵՏԻ

Ծնվել է 1914 թվականին Իջևանի շրջանի Սևքար գյուղում: Ծնողները նույնպես սևքարեցիներ են եղել: Մայրը եղել է Սարիբեկյանների տոհմից: Բանասացն իր մորը բնութագրեց այսպես. «Ուժեղ կին էր, շատ ուժեղ կին էր՝ տղամարթի պես»: Մինչև չորրորդ դասարանը սովորել է Սևքարում, երեք տարի էլ սովորել է Իջևանի դպրոցում: Այնուհետև գնացել է Թբիլիսի, փականագործի արհեստ է սովորել և աշխատել «Արսեմա» գինեգործարանում: Երկար տարիներ ապրել է Թբիլիսիում, բայց կապը Սևքարի հետ չի կտրել, թուշկի անցնելուց հետո կնոջ հետ տեղափոխվել է գյուղ:

Բանասացն իր պատմած հեքիաթների մի մասը լսել է Շամշուղա գյուղում՝ իր կնոջ հարազատներից: Նյութերը գրանցվել են 1988

թվականին, ձայնագրությունները պահպանված են:

ԽԵՄՉՅԱՆ ՀԱՅԿ ԱՐՏԱՇԵՍԻ

Ծնվել է 1907 թվականին Ղազախի գավառի Ուսագլու (այժմ՝ Դիտավան) գյուղում: Ի դեպ, գյուղի հին անվանումը փոխելու ժամանակ նա առաջարկել է Դիտավան անվանումը, որովհետև գյուղը բարձր դիրք ունի և այնտեղից երևում են Աղստիկի հովիտն ու հարևան գյուղերը, իսկ ճաշաքար կամ Համգաքար կոչվող բարձունքից երևում է նաև Թբիլիսի քաղաքը՝ իր շրջակայքով: Գյուղի նախկին անվան մասին գյուղացիները պատմում էին, որ եղել է Ուսագլու անունով մի քյոխվա, որի անունով էլ կոչվել է գյուղը: Սակայն բանասաց Հայկ Խեմչյանը, որը հայոց լեզվի և գրականության մասնագետ էր, Իջևանի խոսվածքի բարբառային առանձնահատկություններից ելնելով, Ուսագլու անվանումն ստուգաբանում էր հետևյալ կերպ: Դիտավան գյուղի դիրքն այնպիսին է, որ առավոտյան արևը գյուղի վրա ընկնում էր կեսօրին (օրը ճաշ ա տռնըմ մոր), որովհետև գյուղից վերև գտնվող ճաշաքարը ստվերում է գյուղը, հենց այդ պատճառով էլ լեռնագագաթը կոչվում է ճաշաքար, այսինքն՝ ճաշին՝ կեսօրին է արևն ընկնում, իսկ մինչև կեսօր լեռան ստորոտում և անտառի փեշին գտնվող գյուղն արևազուրկ է: Բանասացը ենթադրում է, որ գյուղը նախապես կոչվել է Արևազուրկ, որի բարբառային տարբերակն է՝ Ըրևազուրկ, որից էլ Ըրևագ-Րևագ-Ուսագ գյուղ:

Հայկ Խեմչյանի պապը՝ քահանա Արիստակես Տեր-Խեմչյանցն ապարտել է Թիֆլիսի Ներսիսյան դպրոցը, հիմնադրել է Դիլիջանի, ապա նաև Իջևանի ծխական դպրոցները և ուսուցչություն է արել, ապա ձեռնադրվել է քահանա և 1887 թվականին հիմնավորվել Իջևանի Ուսագլու գյուղում: Նա հոգ է տարել, որ իր գավալներն ու թոռները հիմնավոր կրթություն ստանան և ունենան բազմակողմանի զարգացում: Նա հայ գրական լեզվի տարածման և ամրապնդման ջատագովներից է եղել և հետևել է, որ իր ընտանիքում էլ օգտագործ-

վի գրական հայերենը: Չնայած պապի խիստ պահանջներին՝ նրա գավակներն ու թռեղները տիրապետել են նաև բարբառին: Բանասաց Յայկ խենջյանը գերազանց գիտեր իր մայրենի բարբառը և անհրաժեշտության դեպքում օգտագործում էր այն, իսկ ժողովրդական զրույցների նրա պատումներն անգուգական են: Ինչպես Յայաստանի այլ բնակավայրերում, այնպես էլ Ուսազլուում, տեղացիները պատմում են տարբեր զվարճալի միջադեպեր՝ կապված համագյուղացիների հետ: Յայկ խենջյանը ոչ միայն հրաշալի գիտեր գյուղի հիմնադրման, գյուղական ազգատոհմերի պատմությունները, այլև առանձին ազգատոհմերի նախնիների հետ կապված զվարճալի միջադեպերն ու զրույցները, որոնք պատմում էր անթերի բարբառով՝ պահպանելով գյուղական կոլորիտի բոլոր նրբերանգները: Նրա պատմած զրույցները մի-մի փոքրիկ նովելներ են՝ անսպասելի դրամատիկ ավարտով: Այդ զրույցներում վիշտն ու ծիծաղը խառնված են իրար: Զրույցների հերոսները իրական խեղճ ու միամիտ մարդիկ են՝ կքած իրենց բազում հոգսերի տակ: Բանասացն իր պատումներում օգտագործում է բարբառային այնպիսի բառեր ու արտահայտություններ, որոնք այժմ գործածությունից դուրս են եկել: Ի դեպ, բանասացը հրաշալի տիրապետում էր մի շարք բարբառների և սիրում էր ու վարպետորեն վերարտադրում էր տարբեր բարբառներով իր իմացած բանահյուսական նյութերը:

Յայկ խենջյանն ստացել է մանկավարժական բարձրագույն կրթություն և իր կյանքի 60 տարիները նվիրել է մատաղ սերնդի կրթությանն ու դաստիարակությանը, որի համար 1969 թվականին արժանացել է ԴՄՍՀ վաստակավոր ուսուցչի կոչման:

Մասնագիտության բերումով աշխատել է Իջևանի շրջանի գրեթե բոլոր գյուղերում, ինչպես նաև Շամշադնի շրջանում, Քանակում և Ստեփանակերտում, որի ընթացքում շփվել է ժողովրդական լայն զանգվածների հետ և իր հիշողության մեջ ամբարել ու իր խոսքում կիրառել ժողովրդական անհատում գանձարանի շռայլ բառ ու բանը:

ԽԵՄՉԱՆ ԶՆԱՐԻԿ ԱՐՏԱՇԵՍԻ

Ծնվել է Իջևանի շրջանի Դիտավան (նախկին Ուսազլու) գյուղում, գյուղական քահանայի և ուսուցչի ընտանիքում: Ունի բարձրագույն կրթություն, մասնագիտությամբ բժիշկ է: Խենջյանների ընտանիքի ավանդույթի համաձայն՝ սիրում է իր առօրյա խոսակցության մեջ օգտագործել ժողովրդական առած-ասացվածքներ, դարձվածներ, պատկերավոր արտահայտություններ, համեմատություններ: Խոսակցության բնույթին համապատասխան՝ պատմում էր որևէ զրույց, ավանդություն կամ անեկդոտ, որոնց մեծ մասը լսել է մանկության տարիներին հորից, պապից և համագյուղացիներից: Գիտեր բազմաթիվ զրույցներ, անեկդոտներ, հանելուկներ, առած-ասացվածքներ, դարձվածներ և այլն: Լավ գիտի հայկական ժողովրդական խոհանոցը, ժողովրդական կենցաղը, գյուղացիների տոհմերի պատմությունը: Մեծ սեր և հակում ուներ ժողովրդագիտության նկատմամբ և սիրում էր ամեն ինչ խորքով ուսումնասիրել: Խոսքաշատ, զրուցասեր և յուրաքանչյուր անձնավորություն էր, սիրում էր կրկնել. «Գրի առ, թե չէ կմեռնեմ, ուրիշ պատմող չի լինի»:

ՀԱԿՈՔԱՆԱՆ ԱՐԱՄԱՅԻՄ ԴՈՎԱՇԵՐԻ

Ծնվել է 1905 թվականին Ղազախի գավառի Խաչթառակ գյուղում: Ողջ կյանքն ապրել է Խաչթառակում, գրագետ է երկար տարիներ աշխատել է Իջևանի ֆինբաժնում: Նյութերը գրառելու ժամանակ արդեն թոշակառու էր: Խաչթառակի գյուղամիջյան հավաքատեղիի ակտիվ զրուցաբաններից էր: Բանասաց Արամայիս Հակոբջանյանը գիտեր բազմաթիվ հեքիաթներ, զրույցներ, ավանդություններ և հուշապատումներ: Նրա պատմած հեքիաթների մի մասը և հուշապատումները քաջալ Գաբեգինի մասին ընդգրկված են ժողովածուում: Նյութերը ձայնագրվել են 1975 թ. ամռանը:

ՀԱՄԱՅՆ ԹԱԳՈՒԴԻ ՀԱՐՈՒԹՅՈՒՆԻ

Ծնվել է 1910 թվականին Ղազախի գավառի Ուզունբալա (այժմ Ալգեհովիտ) գյուղում: Ողջ կյանքն ապրել է Ալգեհովիտում: Բանասացը կիսագրագետ է, իր գրագիտության մասին նա ասաց. «Լավօսալ սվորել եմ, էնքան, որ կարամ ըրեխանցը դասը սվորցնեմ»:

Աշխատել է կոլտնտեսությունում, տասնհինգ տարի եղել է հացի փռի վարիչ: Բանասացը խոսքաշատ կին էր, գիտեր հեքիաթներ, զրույցներ, զվարճախոսություններ, հանելուկներ, երգեր, շատ լավ երգում էր: Չայնագրությունը կատարվել է հիվանդանոցում, բանասացը թեև նեղվում էր, բայց հերոսաբար դիմացավ լարվածությանը: Բանասացը նաև ստեղծագործելու հակումներ ուներ: «Եկ, եկ, եկ, սիրուն յար ջան» երգը հորինել է բանասաց Թագուհի Համզյանը:

Բանասաց Թագուհի Համզյանից նյութեր գրառվել են 1972 թ. (ձայնագրիչով) և 1973 թ.՝ (ծեռքով):

ՀԱՐՈՒԹՅՈՒՆՅԱՆ ՀԱՐՈՒԹՅՈՒՆ ԽԱՉԱՏՈՒՐԻ

Ծնվել է 1898 թվականին Վան քաղաքում: 15 տարեկան հասակում, կոտորածից մազապուրծ, հոր հետ գաղթել է Արևելյան Հայաստան և հաստատվել Ղազախի գավառի Թալա (այժմ Գետահովիտ) գյուղում:

Թալայում նա մի քանի տարի դպրոց է գնացել և գրագիտություն սովորել: Մինչև Հայրենական պատերազմի սկսվելը նա մի յոթ ամիս աշխատել է Բաքվում, ապա գորալուչվել է բանակ: Պատերազմի ավարտից հետո վերադարձել և մնացած կյանքն անց է կացրել Թալա գյուղում: Աշխատել է կոլտնտեսությունում: Բանասաց Հարությունը Հարությունյանը վանեցի նշանավոր հեքիաթասաց խաչո բիճայի որդին է: Նա հորից սովորել է բազմաթիվ հեքիաթներ: Խաչո բիճան եղել է նաև բանասաց Ավետիք Զիլարյանի վարպետը:

Հարությունը Հարությունյանի պատմած նյութերը գրառվել են ձեռքով 1973 թ. և

ընդգրկվել են ժողովածուում: Ցավոք, նրան ձայնագրելու հնարավորություն չի եղել:

ՀՈՎՀԱՆՆԻՍՅԱՆ ՆՇԱՆ ՀՈՎՀԱՆՆԵՍԻ

Ծնվել է 1885 թվականին Բիթլիսի մահանգի խիզամի գավառի խարխոց գյուղում: 1915 թ. ցեղասպանության ժամանակ և գաղթի ճանապարհներին նա կորցրել է իր բոլոր հարազատներին, առաջին կնոջն ու երեք երեխաներին: Իր թափառումների ընթացքում 1923 թ. Դիլիջանում Նշան Հովհաննիսյանը հանդիպում է վանեցի մի կնոջ, որը նույնպես կորցրել էր իր ողջ ընտանիքը և ամուսնանում է նրա հետ: Ի վերջո Նշան Հովհաննիսյանը հաստատվում է Իջևանի շրջանի Սևթար գյուղում: Նշան Հովհաննիսյանն անգրագետ է, զբաղվել է գյուղատնտեսությամբ, աշխատել է կոլտնտեսությունում:

Բանասացը գիտեր և պատմում էր բազմաթիվ հեքիաթներ, զրույցներ, հուշապատումներ, երգեր, որոնք լսել և սովորել էր իր բնօրրանում: Նա նաև տիրապետում էր քրդերեն լեզվին և պատմում էր քրդական հեքիաթներ: Հայերենով գրառվել է «Մամո և Զինե» սիրվեպը: Նշան Հովհաննիսյանից նյութերը գրառվել են 1970-72 թթ. և՛ ձեռքով, և՛ ձայնագրիչով:

ՄԱՅԻՆՅԱՆ ՍՈՒԹԱՆ ԽԱՉԱՏՈՒՐԻ

Ծնվել է 1906 թվականին Ղազախի գավառի Ջողազ (այժմ Բերքաբեր) գյուղում: 14 տարեկանում ամուսնացել է ջողագեցու հետ և ողջ կյանքն ապրել Ջողազում, ունեցել է երեք տղա, երկու աղջիկ: Գրագիտության մասին հարցին նա այսպես պատասխանեց. «Յոթ տարի սվորել եմ: Հա՛, կարծում եմ, ըրեխանց տանսեր-մանսերը մի աչկանի սվորցնում եմ (բանասացը նկատի ունի թոռնիկներին), իմ մերը գրագետ լինիլ էր՝ Թիֆլիզ ա սվորել: Ինձ էլ որ դպրոց տվուց, կեղացիք ծղծաղին, ասին. «Ախճիկն ի՞նչ, դպրոցն ի՞նչ, ամոթ չե՞ս քաշում»: Սսել ա. «Դե կոնյա, հլե , որ շատը քյնառ, քիչն էլ ա կքյնառ»:

Բանասացի պատմածից հետևում է, որ նրա մայրը շատ բան է տվորեցրել իր գավակներին: Բանասաց Սուլբան Մայիլյանն աշխատել է կոլտնտեսությունում՝ որպես ծխախոտագործուհի:

Նա գյուղական կյանքի ու կենցաղի գիտակ էր, հրաշալի գիտեր ազգային խոհանոցը, ժողովրդական բժշկություն, անձրևառաջացման, անձրևախափան և կարկտախափան ծեսերը, ինչպես նաև հեքիաթներ, հանելուկներ, խաղիկներ, օրհնանքներ և այլ նյութեր: Նա շատ զրուցասեր կին էր, բացի բանախոսական նյութերից, նա պատմեց նաև մի շատ հետաքրքիր հուշապատում: Բանասաց Սուլբան Մայիլյանին ծայնագրել են 1985 թ. ամռանը՝ Բերքաբեր գյուղում, ծայնագրությունը պահպանված է:

ՇԱԴԻՆՅԱՆ ԵԳՈՐ ԱՎԵՏԻՔԻ

Ծնվել է 1904 թվականին Ղազախի գավառի Կուենե գյուղում, որը խորհրդային տարիներին վերանվանվել է Գետաշեն, իսկ այժմ կոչվում է Կիրանց: Բանասացը կիսագրագետ է: Նա գիտեր պլանդություններ ու պատմություններ, հատկապես գյուղի շրջակայքում գտնվող Կիրանց և Առաքելոց վանքերի ու Ագռավի մատուռի մասին, ինչպես նաև հեքիաթներ, զրույցներ, զվարճախոսություններ: Նյութերը ծայնագրվել են 1975 թ. ամռանը Կիրանց գյուղում:

ՇԱՆՆԱԶԱՐՅԱՆ ՄԵՆՐՈՂ ՍՈՆՍՈՆԻ

Ծնվել է 1893 թվականին Ղազախի գավառի Սըռի գյուղում (այժմ՝ Սարիգյուլ): Ողջ կյանքն անց է կացրել իր ծննդավայրում, զբաղվել է հողագործությամբ: Մասնակցել է Առաքին համաշխարհային պատերազմին, 1914-ից մինչև 1920 թվականը եղել է ռուսական բանակում, մասնակցել ռազմական գործողություններին և ինչպես ինքն ասաց. «Ռուսաստան էլ, մի իրեք պետության հող էլ ման եմ եկել»:

Բանասացն անգրագետ է. «Մեր ժամանակը դպրոց չի ըլել, ախճիկ ջան, մեր ժամանա-

կը դպրոց չի ըլել»: Բանասաց Մեարոպ Շահնագարյանը գիտեր բազմաթիվ հեքիաթներ, զրույցներ, առակներ, առած-ասացվածքներ, հանելուկներ, օրհնանքներ, բարեմաղթություններ և այլն: Նա մեծ ոգևորությամբ էր պատմում իր իմացածը և այն հարցին, թե որտեղից գիտի այդ պատմությունները, նա ասաց. «Ետքան պաներն էլ մենք մարթեթանց, էն հարուր տարեկան, հարուր քսան տարեկան մարթեք զրից են արել, միտս ա ընզել էն օրվանից օր: ... Կյոմերընը մեծ մարթեք են ըլել, ճըմբուռ¹ արած՝ դաքերուն նստած, թորնի հացը՝ տուկլուզի՝ դաքերուն, մենք էլ մացել ենք, ըռեխեք ենք, շկոլ չենք ունեցել, մեր տնական տըվարի, մեր ոչխարի եղմա պտիտ ենք եկել, մտերմուս կենըմ ա, բալիկ ջան»:

Բանասաց Մեարոպ Շահնագարյանին անչափ դուր եկավ այն, որ իր պատմությունները, հեքիաթներն ու զրույցները հետաքրքրում են մարդկանց և պիտանի են: Այդ առիթով նա ասաց. «... Մեր հին պաները կա էլի՝ տեսակ-տեսակ: Դե հմի թե հիմք կըմբուռեն, հիմք չեն ընթունի, մեր պարտքն էտ ա, որ մենք ասենք: Էտ թավիլ պաների միար ե՞ս նեղություն քաշել, բալիկ ջան, օր էլ կացի, էրուց էլ կացի, տունը՝ տաք, տեղը՝ լավը, ասեն, տուն էլ տալի տար»:

Բանասաց Մեարոպ Շահնագարյանը բացի բանախոսական նյութեր պատմելուց հաճույքով դատողություններ էր անում ու խորհրդածում կյանքի, մարդկության, հավերժականի ու անցողիկի, մարդկային լավ ու վատ բնավորությունների մասին, համեմատում էր նոր կյանքը հին հետ, ներկա ժամանակների կամանց, հին ժամանակների կանանց հետ («...Հիմնական կնանիքն ել են կնանի՞ք, հեչ պան են, կապել չեն: Մանիլը գիղեն ո՞չ, կյոր-ծիլը գիղեն ո՞չ, հյուսիլը ... »): Իր խորհրդածություններով Մ. Շահնագարյանը հանգում է այն եզրակացության, որ ամենակարևորը հողն է. «Աշխարհս մեչ թանկարժեք, ազիկ պան ի՞նչն ա՝ հողն ա: Հողից ազիկ պան երգ-

¹ ճըմբուռ, ճըմուռ - քարն տաք հացը յուղի և շաքարավազի հետ խառնած ուտում էին (ծանոթ. բանահավաքի):

րըմ չկա: ... Հողիցն անուշ պտն, իսանիցն էլ
դոշաղ ոչ մի պտն չկա: Էտ էրկու պտնը: Իսա-
նաթը հասիլ էկել ևս հողը պարարտացնելու
համար: Իմ պապերը բեջարել են, միէլ՝ ես, ին-
ծանից էլ՝ իմ ժառանգությունը, պորտեց
պորտ, հողը խարաբ մնալ չի, հողը կմնա՝...»:

Բանահյուսական նյութերը Մեսրոպ Շահ-
նազարյանից ծայնագրվել են 1972 թ. մար-
տին և 1974 թ. առնաձեր: Նյութերի զգալի
մասն ընդգրկված է ժողովածուում:

ՍԻՄՈՆՅԱՆ ԵՐԱՆՈՒՅԻ ՍՈՒՇԵՐԻ

Ծնվել է 1914 թվականին Ղազախի գավա-
ռի Քարվանսարա (այժմ Իջևան) գյուղում, գի-
նեվաճառ Մուշեղ Սիմոնյանի ընտանիքում:
Սիմոնյանները, կամ ինչպես իջևանցիներն են
ասում, Տերտերանք (մաս Մաթոսանք) Քար-
վանսարայի առաջին հիմնադիր ընտանիքնե-
րից մեկն են: Բանասացի հորեղբայրներից
մեկը՝ Տեր Կոմիտաս քահանա Սիմոնյանը
գրել է Քարվանսարայի հիմնադրման պատ-
մությունը (ծեռագիրը պահպանվում է Մատե-
նադարանում), իսկ Մարտիրոս Սիմոնյանը
Ներսիսյան դպրոցում մաթեմատիկա էր դա-
սավանդում, թղթակցում էր թիֆլիսահայ մա-
մուլին, հատկապես «Մշակ» թերթում
տպագրվել են նրա հոդվածները՝ իր ծննդա-
վայրի պատմության և ընթացիկ կյանքի մա-
սին: Մարտիրոս Սիմոնյանը մաս որպես
բնորոգ է ծառայել Վարդան Մամիկոնյանի դի-
մանկարի համար:

Բանասացը մեծացել է բազմաճյուղ և ա-
վանդապաի ընտանիքում: Նա մալի սովորել է
Թիֆլիսում, ապա հոր մահից հետո վերա-
դարձել է Իջևան և այնտեղ ավարտել միջնա-
կարգ դպրոցը: Դպրոցն ավարտելուց հետո
նրան անմիջապես ուղարկում են Թալա
գյուղ՝ որպես ուսուցչուհի: Հետագայում նա
ստացել է մանկավարժական կրթություն և
ողջ կյանքը նվիրել դպրոցին: Նա մինչև 60-ա-
կան թվականների վերջը աշխատել է դպրո-
ցում՝ որպես տարրական դասարանների ու-
սուցչուհի:

1934 թվականին ամուսնացել է բանասաց
Հայկ Խենյանի հետ և տեղափոխվել Ուսազ-

լու (այժմ Դիտավան) գյուղը: Ավանդույթնե-
րով հարուստ մի ընտանիքից նա տեղափոխ-
վել է մի այլ ավանդույթներով հարուստ ըն-
տանից, որտեղ հարգի է եղել ժողովրդական
բառն ու բանը, ուսումն ու գիտությունը: Բա-
նասաց Երանուհի Սիմոնյան իր քեռուց՝ բա-
նասաց Ալբել Առուստամյանից, մորից, կես-
րարից, սկեսուրից և շրջապատի խոսք ու
գրույց սիրող տարբեր մարդկանցից շատ
բան է սովորել և կիրառել իր կյանքի ընթաց-
քում: Շատ հաճախ, երբ նա որևէ արտահայ-
տություն կամ դարձված էր օգտագործում,
անպայման հիշատակում էր սկզբնաղբյուրը,
ինչպես օրինակ, «Հանգուցյալ Լուսանն ա-
սում էր...», կամ «Իրիցանց Ակոբի սիրած
խոսքն ա...», «Օղորմածիկ Իծուկի ասածնե-
րից ա...»: Իծուկը՝ Այծենիկ Սահակյանը,
ապրել է գյուղում 30-ական թվականներին, ե-
ղել է խոսքաշատ ու շատ համարձակ կին,
տղամարդկանց հետ մտնել է գյուղամիջում և
քննարկել գյուղի անց ու դարձը: Նա բազմա-
թիվ թևավոր ու հանպատրաստից հորինած
չափածո խոսքերի հեղինակ էր: Դրանց մի
մասը է: Սիմոնյանը հիշում էր և օգտագոր-
ծում:

Բանասացը շատ կոլորիտային անձնավո-
րություն էր՝ ամբողջությամբ ներծծված ժո-
ղովրդական բառ ու բանով, լավ գիտեր ժո-
ղովրդական սովորույթներ, առած-ասաց-
վածքներ, հավատալիքներ, երգեր, ժողովր-
դական բժշկություն, գրույցներ և այլն: Նա
բացատրում էր իր ասած առածների, դարձ-
վածների, բառերի ու արտահայտությունների
իմաստը:

Երբ են սկսեցի իմ բանահավաքչական
գործունեությունը, նա մոր իրավունքով մեծ
ոգևորությամբ աջակցեց ինձ և մասնակցեց
գրեթե իմ բոլոր գիտարշավներին:

Երբ սկսեցի հետաքրքրվել «հիշատակնե-
րով», պարզվեց, որ Ե. Սիմոնյանը իր երիտա-
սարդության տարիներին կազմել է «հիշա-
տակների» մի ձեռագիր հավաքածու, որն
այժմ գտնվում է իմ արխիվում: Ի տարբերու-
թյուն 70-80-ական թվականների հիշատակնե-
րի, Ե. Սիմոնյանի գրառածները իրենց բնույ-
թով ավելի մոտ են ժողովրդական խաղիկնե-

րին, որանք հիշեցնում են արևելյան քառյակները և չի բացառվում, որ աշուղական ծագում ունենան:

Երանուհի Սիմոնյանից բազմաթիվ տարաբնույթ նյութեր են գրառել՝ սկսած 1970 թվականից մինչև իր կյանքի վերջը:

ՍԻՄՈՆՅԱՆ ՄԱՐՏԻՆ ԿԱՐԱՊԵՏԻ

Բանասացի կենսագրությունը ներկայացվում է այնպես, ինչպես ինքն է պատմել.

«Ես՝ Մարտին Կարապետի Սիմոնյանս, ծնվել եմ 1887 թ. Քարվանսարա գյուղում: Իմ պապերն էկել են Կոտայքի շրջանիցը, էկել են առաջ Քյավթառ Մոլլեն, ընդեղից անց են կըցել Թիֆլիզ, Էրևանսկի պլոշչադը՝ Թիֆլիզ կա, ընդեղ դագեք են շինել, ընդեղ ապրել են, մի տարի, Էրկու տարի: Էն ժամանակ մարթ են դարգել կեղի տեղ որոնելու, ման կյալով, ման կյալով կեղերը՝ եկել են, վերջը եկել են հասել են Քարվանսարա, Էրկու կետի դաթըն տեսել են քյարվանի միտա ա: Դա՛, ըտեղ էլ հավանել են և իմաց են արել, իրանց ժողովուրթն էլ կեղերըն ցրված են եղել, եկել են միացել են և գյուղը հիմնավորել: Իջևանի հիմնադիրները Սիմոնյաններն են, Աթոյաններն են, Դարուխունյաններն են, Սկրտումյաններն են, շատերն են՝ եռեսուն ընտանիք են եկել: 1780 թվին են էկել, տրա համար դակումենտ ունենք մատենադարանըն, մեր կեղի կենսագրությունը: Դա՛, Տեր Կոմիտասի կիրքը»:

Բանասացը սովորել է մինչև 4-րդ դասարանը: Նա խոքաշատ և կատակասեր մարդ է, սիրում է պատմել տարբեր զվարճալի դեպքեր: Երբ Մարտին Կարապիչին հարցրի, թե ինչ մասնագիտություն ունի, նա պատասխանեց. «Առևտրական, հողագործ, բաղակյող», - և ծիծաղեց:

Բանասաց Մարտին Սիմոնյանից բանահյուսական նյութեր են գրառվել 1973, 74, 75 թվականներին:

ՕՂՆՆԱՆ ԱՐՇԱԿ ԴԱՐԻԹՅՈՒՆԻ

Ծնվել է 1899 թվականին Դազախի գավառի Քրդևան (այժմ Ենդեալվան) գյուղում:

Բանասացի հետագա պատմություններից պարզվեց, որ նրան որդեգրել են: Դարագատ մայրը, որ նշանավոր հայդուկ Սևաթարեցի Սաքոյի թույրն էր, ծննդաբերության ժամանակ մահանում է: «Ես իմ մոր մայեն էլ չեմ կերել, հա՛, իմ մոր մայեն էլ չեմ կերել: Ուրեմն բթարափ անեմ, իմ հորը ըրեխա չի ըլել, իմ հորիսպերն ասել ա.- Էս մոտիկ հըրևան Թալընը մի կնիկ ա ազատվել, քյնած նրանից մայա կըպիրեն, իմ ախարոն ըրեխա չի ըլնը: Սսել են.- Բա ո՞վ կպահի: Սսել ա.- Իմ հերնըմերը կըպահեն՝ տատը-պապը կպահեն: Իմ տատը, իմ պապը պահել են»:

Արշակին ուղարկում են Վերին Սղոան (այժմ Գանձաքար) գյուղը խորթ մոր ծնողների մոտ, և այնտեղ նա սովորում է տարրական դպրոցում: 1937 թվականին նա սովորել է Ստեփանավանի գյուղատնտեսական տեխնիկումում, որտեղ Դայաստանի տարբեր շրջաններից եկած ուսանողներից լսել է բազմաթիվ հեքիաթներ, գրույցներ ու պատմություններ: Մանկությունից նա մեծ սեր է ունեցել ժողովրդական բանահյուսության նկատմամբ և իր լսածները գրի է առել, որ չմոռանա ու օգտագործի:

Արշակ Օհանյանը հիմնականում աշխատել է կոլտնտեսությունում, տարբեր պաշտոններ է վարել (կոլտնտեսության նախագահ, Գյուղխորհրդի նախագահ, կուսակցական կազմակերպության քարտուղար, բրիգադիր, ֆերմայի վարիչ և այլն):

Բանասացը շատ լավ հիշում էր գյուղի անցյալի հետ կապված պատմությունները, անձրևառաջացման և անձրևախափան ծեսերը, եկեղեցական և ժողովրդական տոները և նրանց հետ կապված սովորույթները, ավանդություններ, տեղանուններ, հուշապատումներ, գրույցներ, զվարճախոսություններ, հանելուկներ, հեքիաթներ և այլն: Արշակ Օհանյանը ողջ կյանքն անց է կացրել հայրենի գյուղում, ունեցել է չորս տղա, երեք աղջիկ: Նյութերը ծայրագրվել են 1987 թվականին, ծայրագրությունները պահպանված են: